

隨園全集

續同人集

續同人集姓氏目錄

放燈類

汪廷昉

程晉芳

呂光復

徐溥

顧鎮

仲蘊棻

王陸禔

錢大昕

方正澍

章甫

程夢湘

顧敏恆

唐大成

韓廷秀

何士容

俞葆寅

周之桂

胡莘隆

余旻

趙帥

劉啟秀

燕以均

潘瑛

韓廷秀

吳蔚光

方如川

汪楨

孫昌時

隨園續同人集 放燈類

簡齋夫子招飲隨園看燈

汪廷昉

丹房翠沼開蓬瀛金波半展銀雲平俄焉斑龍吐珠顆九華錯落琉璃屏珠光不定霞光起
鯨甲麟鬚鬪文綺霏霏紅雪春霧濃珊瑚萬樹燃秋水雲中縹渺奏和笙芙蓉隔磻香風生
晴空四萬八千丈朱霞一縷標層城羣眞夜宴瑤池曲紅雲之茵紫霞纈繡幄遙籠碧澗濱
幔亭斜傍丹巖麓金枝低互影迢迢綵鸞起舞翔層霄輕烟如絲月如水座中微覺梁塵飄
玉堂學士文章伯金粟前身本清絕蓮炬聲華冠藝林花封山水資吟屐金庭石室淨無塵
綠塋平泉作比隣春朝飛觴夜刻燭如遊紫府聞韶鈞板輿暇日多歡燕枳徑蘭陔自調膳
花外斑衣已足娛山中紫誥尤堪羨萱草含花桂樹秋霓裳一曲播清謳漫天寶燄搖金笈
星冠霞佩多仙儔竭來燒盡三條燭青嶂丹枝寄游躅已從北海舉罇疊更向東山按絲竹
蘿閣松窗瑞靄多蔚藍天外裊雲和好將燈月圖中景譜入琅璈曲底歌

前題

程晉芳

三年不踏隨園路自笑浮蹤如墜絮秋草秋花護短垣故人宛在花深處看花邀約衆賓來
指點紅渠赤桂開犀角長髯紛入座江南江北信多才茲園占勝原無兩排拓能令倍幽敞
穿竹人隨鶴步停登山屐應樵聲響謝公墩接小倉山下下高高任往還舊種短松青出屋
新開止水碧成灣彎環水抱長林盡幾點飛鴉度溪暝樺柳初黃月有痕蘭烟欲暮峯垂影
主人張席散華燈火樹枝枝映玉繩倒轉亭心作池底盡摹花影上高層池光花氣爭縈繞
如此住時行樂好二十年來緬舊遊坐中我與君皆老老態疎狂興轉妍花前吸盡酒盈船

擬裁康樂遊山句試訪蘭亭片石鐫

前題

呂光復

小倉山前芙蓉花芙蓉多處袁公家千枝萬枝向秋水十步五步飛春華丁年九月逢重九
主人欲爲花神壽霜鐘聲裏不知秋會看芙蓉清夜遊肩輿行傍青山麓早見懸燈在花屋
卜晝不如卜夜歡直合相留判年宿青雲上客神仙徒就中尊者銀眉鬚烟霞杖履轉雄駿
警欬歷落生明珠飛觥倒盞不可禁載酒門生更豪甚香飯銀烝玉雪光侯鯖翠釜櫻桃沁
夕陽將入燈漸催坐中賓客方徘徊傳呼燭以次第點縱身已入星雲堆騰崖耀漢高復高
紅霞十丈天風鑒倒影迴光下復下碧海千尋月珠瀉火樹都成頃刻花丹樓盡入明光夜
小橋平岸瞰澄波燈下花枝照影多冰壺清虛紅玉潤金枝燦爛朱顏酡樓臺盤空倚絕壁
帶以修廊勢如翼却教光燄賽朝曦火花迸作星蛇飛是日衆客衆客睥眄不得語壁上惟有
觀如圍此時樂難更僕數城上已聞三擊鼓風雅眞推何遜才請何才園林自愛山公主山公
託意如謝公經濟即在東山中美人如花擁金翠一醉累日千花紅

前題

徐溥

隨園人住蔚藍天巧綴燈山別樣鮮本是蕊珠宮裏客偶然戲作小遊仙 萬點燈光水
面浮樓臺倒影入寒流却疑陣列蛟龍戰盡吐驪珠不敢收 夜漏沉沉風露清酒闌人
坐水精城姁娥似與燈光鬪放出銀蟾分外明

二月十九日隨園放燈簡齋同年招集同人卜夜

顧鎮

桃花嬌紅柳深綠迴波灩澦倉山曲名園無處不樓臺水色山容面面開時維春仲日十九

滿挂琉璃集勝友酒市烏紗李白流清平三疊人間留謂楊司馬朝觀流商激徵擲笛筦車子引喉

歌緩緩日遲風細遊女紛杏黃衫子石榴裙攜羣挈侶連臂肘不讓官人竟橫走穿廊斜上

曲檻凭今宵穩便看花燈須臾月上碧空裏倒影燈光上下水火齊層層出樹巔明珠無數

落遙天火齊明珠互縈薄萬壑千巖入畫閣巖頭佛火發妙明祇園勝事隨園并是夜倉山浮屠有燈

若助盛忽然火騎轉林側殷地雷聲轟霹靂八威吐毒迷烟汀熠燿宵行燿亂星金蛇跳躑

赤烏隊大火流天頰玉碎鳴鉦伐鼓大樂張火時有烟吹交觴接卮樂未央酒闌燈地月卓主午

人錄示羣芳譜主人錄梨園子弟之後者名堪叱平江酸秀才掉首不顧歸去來明日相逢

但一笑笑我初看人已耄

前題

仲蘊樂

倒影琉璃鏡面飄六街鼓轉夜迢迢青僮似擁崔羅什要踏紅雲下碧霄火齊層層著

樹疎藕絲臨水暈方諸就中不讓然犀手驚起琴高赤鯉魚放膽花前酒一壺歸來清

醉倚流蘇五城十二樓齊敞夢與霞君摘夜珠

展重陽後一日集隨園作觀燈曲

王陸禔

西風吹我來江曲乞與聽歌看燈福主人掃逕履蹤橫客子到門車歷落芙蓉萬朶遶池開

皺白嬌紅鬪粉腮脈脈銀黃涵鏡檻盈盈金碧罨樓臺樓臺倒挿玻璃裏阿閣三層望中峙

帽影平臨竹葉牕衣香尙隔桃花紙如此園林得快遊樵蘇不爨亦風流況逢設悅當佳日

太夫人壽日更遣張筵向晚秋玉筍門生爭獻咒玳簪賓從共藏鬪紛紜翠盃催餽歡激灩紅鱗

照拍浮拍浮乍歇笙簫出象板徐敲阮徐擘記歌娘子豆頻拈顧曲郎君眸暗擲清音繚繞

走珠盤樂句分明量鈿尺却笑蘭亭少管絃比將梓澤饒裙屐裙屐追陪少年坐中二老
更翛然主與水軒先生新銜詞客兼聳叟夙世花顛與醉仙名士塵揮談壺壺將軍裘帶態翩翩

綸或酒闌散步憑高處血色銅鉦隱深樹鹿子閒眠竹下蹊鶴雛緩蹋苔陰路此間露樹漸

溟濛此際冰輪未麗空忽見繁星沈水底忽驚圓月挂天中天中圓月紛無數水底繁星映

幾重初訝驪珠擎萬顚旋疑螢燄聚千叢須臾火樹銀花發一片聲光騰倏忽撼地轟雷玉

虎鳴烘天紫電金蛇掣砰訇響應亂東西閃爍烟雲遞明滅燄起燈常爇栝杉飛來爆或燒

蘿葛岡頭窳堵聳峻嶒牆外浮屠凌豁三面光從一面收暗邊景把明邊奪散席還登最

上層參移斗轉鼓鼙鼙首因蕭史勞頻側肩借何緩得暫凭透額羅憐薌澤膩研繚綾惜酒

痕凝滄于索絕應非妄廣樂清羸恐不勝無那歡場終欲散何時再遇瑤池宴謾誇屋較昨

年增但祝人如今歲健六朝風雅待扶輪長主騷壇白下門才子合居江令宅休官宜占謝

公墩白衣失路愁何許說項於陵數稱詡澤畔相期詠鷓鴣尊前先屬題鸚鵡明發抽帆波

碧潺石城回望有無間棹歌漁火寒潮急夢斷江南一髮山

十月念九日簡齋前輩招集隨園觀燈

錢大昕

怪來乾鵲噪連朝果有詩仙折簡招院院燒燈全不夜小春天氣當元宵 檀板新歌試

幾番觀燈齊上曲闌干天公似助詩人興半夜無風又不寒 珊瑚紅襯白琉璃此是人

間第一奇山上重樓樓下水一枝燈是兩三枝 星光燈影幻耶真彈指居然百億身波

面撒勻珠萬斛祇應忙煞弄珠人 掣電奔霆變幻工漫空百道挂長虹華嚴樓閣登時

現只在機關一線中 萬點流星替月行殷雷山外響訇訇主人身住光明頂不羨東華

簇火城

絕艷驚才錦繡腸玲瓏點綴即文章尋常燈火休相比李杜光芒萬丈長

前題

方正澍

月榭風亭晨汛掃徧召羣仙會蓬島聞放珠燈佐玉觴人間盡願黃昏早萬蓋高低繫赤繩
流蘇五色綴雕甍有似菩提頂上白毫放萬千世界俱光明滿園竹樹工點綴枝條悉化陀
羅臂一臂一燈懸來照布金地漫空亂湧赤城霞紅映仙人掌上花或疑軒轅誤倒煉丹鼎
萬顆墮落芙蓉砂或疑祝融待漏朝天闕前望舒兮後烈缺玉女三千先啟行翠袖續紛持
絳節而我如登十二城來看天女夜種銀河星光射寒池冰亦茜紫貝闕中開夜宴不然媧
皇來補缺處天煉出紅爐石千片滿座歡生酒易消更教仙樂奏雲韶解舞飛瓊瓊作佩倚
歌弄玉玉爲簫金鼓聲交闕千竿掘地種是夕甚盛天矯千尋騰燭龍襪襪四出騫丹鳳扶桑
日掛九枝紅金烟忽變美人虹應是主人胸際文章嬾李杜吐出光燄萬丈摩蒼穹我聞主
人昔日瑤京宿玉皇案下常託足夜分命草詔書成送歸曾撒金蓮燭爲愛林泉早乞身
閒中娛母及嘉賓時當寒近陰凝候能令九地回陽春更深歸臥空齋裏酒渴山童呼不起
膽瓶梅影落琴床一燈青熒小千米

九日隨園張燈曲

章甫

朝遊隨園作九日暮遊隨園作元夕千燈萬燈一時出頓把秋光換春色高者爲山下者溪
長廊百折高復低長廊盡處燈不盡碧槐老柳爲階梯山上凝輝炫銀海水底浮光多一倍
當空新月不敢停西流直匿芙蓉外三層樓頭燈更紅縹緲仙樂如浮空千燈不走數燈走
巧以竹馬相彌縫排連烟火十餘架火樹燈枝遠相射傾城士女入園看人面花光都不夜

主人本是文章雄小作狡獪驚天公此燈亦是自寫照胸中列宿筆底虹盛事爭傳緣壽母
燈前歡笑年年有南極遙連太乙藜西池更進長生酒繪圖只合煩畫師畫不能傳詩寫之
酒酣屬余強握筆慚愧主人燈舞詞

主人有
燈舞詞

前題

程夢湘

謝公墩畔錦成圍脆管柔絲送落暉忽報萬花開火樹魚驚潑刺鳥驚飛
涼露無聲濕畫欄玉簫吹送九秋寒此身不是居天上星宿如何在下看
露氣橫空宴未闌小樓高處怯衣單燭花知有游人在不到更深不肯殘
霓裳一曲度清歌縹緲疑從月殿過靈藥桂花俱一樣姮娥較比月中多

前題

顧敏恆

九日金陵郡天高氣沆寥江山空故國風土認前朝御李當今夕留髡盡此宵良辰聚文彥
勝景隔塵囂圖史千秋鑑琴棋七客寮紆藍爲鄭帶嵌碧做柴窰鏡檻絲絲柳晶簾扇扇蕉
一痕橫翠巘萬疊展紅綃時木芙蓉盛開麗眼籬遮竹龍鱗水漫橋平沙眠鶴子細沫漾魚苗北海
樽初設東溟興轉饒摳衣趨綺席側弁雜金貂麗賦應名玉高談或姓焦鄧林蕃杞梓楚澤
萃蘭椒染指疑魚鳳無心憶炙鴟淳母新品族食憲舊科條香茗摩多淪華燈薏苡燒映波
翻荇采照黛點松標珠吐非關蚌犀然詎爲妖昭回河曳練炫轉斗移杓倏忽青蓮吐依稀
赤鯁跳弄舟迴短櫂戲馬出垂髫盛事難更僕旁觀若沸蜩澗明虹影落雷奮電光搖仙侶
緋裙颭靈祇絳纛飄金螭遙屬地寶塔迴凌霄羯鼓催三操鸚喉唱六么手和瑤瑟脆簫媛
玉笙調汎愛容參預非材賴刻雕執經問問字留賞滯還鑣漸訝銀河地甯辭銅漏遙月妃

低素面霜女下青腰厚意同投轄卮詞冀報瑤何如吹帽者才藻壓賓僚

乙酉仲秋六日簡齋夫子招同人宴集隨園觀燈敬賦

唐大成

簡齋太史今謫仙買山卜宅青溪邊宅當清涼山北麓因山疊屋中開泉看山終日不出戶
四方賓客投吟箋侵宵達旦弗辭倦但笑俗士來無緣嗟予聞名久耳熟早歲已誦蘇韓篇
十載文闡此寄迹趨步咫尺無由前今秋快賦高軒過折簡更爲張華筵金鑿玉膾未足尙
桂醕藥醬精熬煎招邀盡屬知名士影纓結帶來翩翩談諧妙契漆園旨射覆競送鈎弋拳
須臾日落千山紫高低萬點明燈燃燭龍銜光射叢薄彩虹當空垂蜿蜒坐視林麓洞清晝
飄飄逸興胥騰騫解衣起席各散步三三兩兩隨所便是夕秋澄月初吐銀塘溢露芙蓉鮮
何處瓊樓度歌吹縹緲簫韶來九天入雲若近又條遠從風欲斷還相連王母乘車駐鸞蓋
蛟人入室輸蜃蟾恍惚空中胸百怪金支玉佩聲駢闐猗嗟此樂樂何極直疑置身蓬壺巔
主人自言辭官後栽花屢費囊中錢竭來經營三十載俯仰稍足休塵肩每思少壯如夢寐
蕉隍得失何有焉及今不樂復誰待霜毛早已盈華顛我聞此言三太息公誠達者非淺淺
維公文章被廊廟炳如列宿經天躔維公治績著里巷如燈照物窮嫗妍時聞是方頌逸事
下逮童婦皆稱賢公雖未盡棟梁用姓字亦足實字傳所嗟良會不易再此生那得常周旋
韶光過眼同轉燭羲和駕日無停鞭借公瑤池一杯酒爲公高詠明河篇

隨園觀燈曲

韓廷秀

樓高冠峯下巖隙樹大參天細盈尺縱橫劃作百千層此中一一施華燈華燈千枝萬枝出
爛如亂摘天邊星振策憑高一回首足亂浮雲踏星斗羲和敲碎玻璃聲掛樹懸崖火龍走

銅荷膏滿互爭明棲鳥飛起潛魚驚微風颭颭眼生纈不知有月當空行一聲玉笛舟中起
更攜美人弄秋水衣香鬢影不知寒芙蓉照徹波光裏作詩火速紀勝遊人生快意輕王侯
却笑昨宵好明月矮屋欠伸妨打頭

時出閣
後一日

前題

何士顥

黃昏竹樹靜陰森絕艷文章醞釀深火齊雲時高下遍智珠想見主人心

秉燭猶嫌燭

易殘何如燈火萬千攢人間此處天難夜別有光明世界看

雙湖平地變銀河照見紅

顏帶笑過

時鄰近婦女
遊甚衆

莫訝清虛豔羅綺月宮原自有仙娥

金蓮燭久

賜先生又見

傳燈此夜情預取龍門燒尾兆諸君努力到雲程

謂鄉試
諸君

前題

俞葆寅

萬點琉璃颺碧空珠簾斜捲桂花風穿林幾疊樓臺影高下都蟠五色虹

畫廊雕樹隔

氛埃金粟層層爛慢開千尺霞光浮岸曲赤龍掉尾跨波來

裝成魚鳥互高低燃火真

同照水犀添個船兒閒蕩漾載將星斗過橋西

脆管繁絃度曲清舞姬百媚欲傾城晚

來小隊銀鐙下裙底紅雲繞步生

臺城路

前題

周之桂

昨宵矮屋蠶聲歇

時出棘閣
後一日

今來月宮遊早仙鶴迎人名花解語詞客相逢都笑歡場乍到

指羣玉山頭畫情多少帽影釵光一般紅映夕陽好

詠諧少年幾許祇搔來背痒誰借仙

爪坐近瓊枝懷吹香霧歌聽羣娥嬌小舫船勸倒喜絲竹東山謝公難老歷歷銀屏待金蓮

朗照

小紅歌罷回頭處樓臺夜光全改樹挂晴虹堤排錦障空際繁星如海嫦娥遠睽

也似怯燈光掩伊眉彩俊殺人間美人名士者宵態 憑闌何限呢語怕花間玉漏催去環
珮班馬嘶餘鈿車散後偏我痴情猶在千秋此會說不盡風光小樓霞內試驗今年桂香添
幾倍

沁園春 前題

胡莘隆

謝墅宏開老樹千霄雛鶴舞庭看芙蓉上下爛如披錦青山遠近翠若張屏三島烟雲六朝
金粉是處勾留展齒停憑幽賞有新歡舊雨爾我忘形 檀槽響澀丁零問誰把清詞付小
伶更錢王好事買燈汴市侯芭嗜學載酒元亭鶴燄霏微球光錯落幻出隋家萬斛螢吾尤
羨羨一潭秋水無數繁星

二月十日隨園觀燈

余 旻

隨園先生燈光佛笑對梅花興勃勃吐出胸中智慧珠散作華燈照華屋我來斜日猶在門
主人催進梅花樽酒闌一望衆香國一燈未然天欲黑振衣同上倉山巔倏忽春星種滿天
一燈一燈水中起似有鮫人忙水底一燈一燈鏡中見如以火齊拋鏡面燈一誰能化作千
五丁碎剪玻璃天燈千誰能渾作一燭龍亂攪寒潭碧有時鏡光射入水鏡中燈向水中疊
有時水光搖上鏡水中燈在鏡中映以燈幻燈空中花以影幻影恒河沙回欄曲檻亞復亞
複道飛樓互高下爛漫梅花八百株火樹齊開天不夜主人高坐號令明叱使參斗空中行
東西畫舫馳縱橫高低竹馬交相迎更有司燿然火線吐燄鞭雷掣飛電潮鼎沸萬人譁
十部鼓吹聽不見樂哉此樂輕王侯恍如身在蓬萊洲主人光芒今李杜座客火色皆馬周
主賓同是天邊宿德輝聚處光如晝詩成及早歸去來只恐明日司天連我奏

壬子九月隨園夫子招飲觀燈步夫子贈奇中丞前韻

趙帥

肩輿十里疾如馳衆客迎門總故知池館筵開呼燭至園林市遠報更遲任教疎雨蟲聲咽
但覺飄香桂影移穿過回廊燈火滿元宵景象訝如斯肯甘冷淡室成冰絢爛供看喜

不勝賓裏人推賓裏主

謂霞

鏡中燈照鏡中燈

京西南北皆張玻璃鏡

清聆談引吟懷動紅映顏疑酒

量增歸去有人詢勝會好誇奇絕冠金陵

庚寅春日隨園梅下觀燈

劉啟秀

一夜陽春檻外回明朝細數幾枝開最憐此夕團圓月都爲梅花照影來

二月十日隨園觀燈

燕以均

徹夜銀花萬朵開晶熒世界小蓬萊抬頭不是將天望還當星都上樹來

屏設琉璃四

面橫燈光照入倍空明一時虛實能兼到半似行文半用兵

消閒經日凭闌干貪作神

仙怕作官到底靈心藏不住智珠噴出與人看

半掛樓頭半樹梢衣香人影兩相交林

中鳥夢都驚醒認作天明要出巢

山根一水抵鴻溝溝外游人鬧不休我向光中遙望

見一層高處一層頭

前題

潘璜

青蛾皓齒曲初終千椀珠燈次第紅樓壓星辰天在下池搖烟樹地浮空一尊酒泛千人島
半壁霞飛闌苑風醉後不知山月盡朗吟疑墮碧霄中

壬子二月十日隨園看燈

韓廷秀

十載前曾與讌來試燈人再譜瑤臺春燈更比秋燈好催得梅花萬樹開

癸卯八月十七日會與此會

園林恰似玉盤圍競走明珠五色輝驚起驪龍渾不睡夜深猶駕火龍飛 玻璃光淨
水光清色相無邊幻處明更教兒童騎竹馬一燈行似萬燈行 燈闌客散靜無譁微雪
霏霏點玉沙信是天公真好事叱他龍伯小迴車

隨園燈譙歌

吳蔚光

隨園主人大手筆變化神奇無定律火樹秋催花蕊開晶屏夜徙星辰活我未得見先聞之
復讀隨園燈舞詩神爲飛動情爲移今夕何夕與于斯始到園中天未午密密疎疎燈可數
眼飽貪看四壁箋心懽徑飲三升醕一燈忽上滿園紅燈影相連捷若風照得幽崖都絢爛
望來樓閣盡虛空人隨燈轉迴廊路迷離直入燈深處却好回頭看下園波心無數驪珠吐
文窗曲檻鬪玻璃正是膏濃燄足時五色化爲千百色百枝分作萬千枝簷端更挂青銅鏡
八面圓明光倒映淺者成深實者虛滿堂賓從神難定燈前重勸黃金盃我拚醉倒不願回
幻境再從何處得靈機獨向此中開雷動森飛煙火戲突出餘波雄且恣我知此卽妙文章
我知此卽眞經濟主人還惜雨瀟瀟不及當年明月宵丹桂香中公子笛綠楊陰裏美人簫
我道雨佳奚必月好事從來疑有缺只祝晴時更放鐙及我歸舟未曾發

甲寅仲秋六日 簡齋夫子招飲觀燈堂中設玻璃屏一座廣六尺高七尺燈光寫影

臺榭凌空眞奇觀也卽席敬賦

方如川

千盞燈成萬盞燈玻璃屏映一層層自他有耀形無遁如此奇觀得未曾雲母帳前堆火齊
水晶域內鏤寒冰何殊玉宇瓊樓夜放大光明最上乘

前題

汪楨

身入光明界千燈照夜紅一堂爭絢爛八面盡玲瓏吸取影中影悟來空外空燭龍騰天矯
火鳳舞從容即席霞標起當筵銀漢通絳紗羅弟子藜火照羣公飽飫先生饌難忘長者風
華鬢好景象世上有誰同

前題

百盞金燈抵萬燈我從鏡裏望光明半虛半實眞假好向其中悟用兵
是仙客歸袍褶盡飛煙肩輿回首雲山望樹裏紅燈尙在天

孫昌時

到此何人不

續同人集姓氏目錄

寄懷類

程廷鑽	錢琦	程晉芳	黃之紀	託庸	尹繼善
嚴長明	慶桂	李憲喬	王昶	俞葆寅	周發春
袁濤	楊國霖	趙懷玉	丁珠	慶玉	託庸
申發祥	慶蘭	趙懷玉	楊芳燦	法式善	孫韶
慶桂	程晉芳	趙翼	明義	金潢	彭光斗
慶桂	王汝翰	伊湯安	吳均	戴宇	吳魯
孫士毅	林鎬	吳文溥	呂光復	潘汝炯	劉錫嘏
胡士龍	尤維熊	陳聲和	楊芳燦	張誠	克什訥
李奉翰	劉熙	郭麐	朱滋年	託庸	張懋履

隨園續同人集 寄懷類

寄酬簡齋先生

程廷鑑

朝見雲出岫暮見雲歸山如何歸雲少不似出雲繁嗟嗟當路士仕易隱則難美人如春花
浥露開芳顏忽爲孤松姿聳翠幽巖間野石無卑姿野水無驚瀾共君酌野酒視彼倦鳥還
淵明臥柴桑高韻得神理蘇州靜焚香詩骨清無比由來作詩人貴在脫塵滓聞君有
名園乃在荒山裏因山高下勢結構最幽美竹樓間草亭樹老石齒齒庭前種蘭竹屋後栽
桃李終日坐其中據梧時隱几客去不關門客來不倒屣一觴還獨進陶然竟醉矣題詩亦
偶然落落滿素紙不復著雕鐫佳處輒可喜春禽鳴一聲百花睡初起明月入秋池涼雲化
爲水

曾記五章寄簡齋太史 井序

錢琦

僕與足下總角訂交便盟心於車笠春明並轡思報國以文章一自薄宦四方遂
成浮萍兩葉春秋多佳日幾虛元度琴樽山水有清音每想彥回風月雖梅花驛使
常逢庾嶺之春而芳草王孫未免天涯之恨僕也版輿奉母賦成潘岳閒居君乎平
地成仙飛去王喬舊鳥盈盈帶水恨道阻之且長渺渺余懷憶前塵而若夢因歷數
交游之梗概竟自忘筆研之荒蕪四韻五章題曰曾記

曾記文壇共著鞭君時短髮正齊肩同心蘭契三生訂得路鴻飛一字聯
船楊柳岸秋風蕭帽綵雲天東塗西抹渾閒事夢覺迢迢五十年
雲深處集羣英賈生入洛年猶少
君以宏博被薦入都時年未二十也
司馬遊梁賦早成博物七篇窮柱下看